



Na osnovu Zaključka Vlade Zeničko-dobojskog kantona o usvajanju Programa utroška budžetskih sredstava u 2020. godini (Subvencije privatnim preduzećima i poduzetnicima) (Ostale subvencije preduzećima za saniranje štete u privredi uzrokovanih pandemijom COVID-19), broj: 02-11-6347/20 od 08.05.2020. godine i broj: 02-11-17214/20 od 23.10.2020. godine, a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12, 39/20) i članovima 12. i 13. Uredbe o uslovima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18), Ministarstvo za privredu, raspisuje

### **JAVNI POZIV**

#### **za prikupljanje zahtjeva za odobravanje i dodjelu (refundaciju) finansijskih sredstava namjenjenih subvencioniranju investicija kod obrta iz područja prerađivačke djelatnosti**

1. Pozivaju se investitori registrovani u Zeničko-dobojskom kantonu, koji proizvodnu investiciju realiziraju u obrtničku prerađivačku djelatnost na području Zeničko-dobojskog kantona, da podnesu Zahtjev za odobravanje i dodjelu nepovratnih finansijskih sredstava obezbjedenih za subvencioniranje dijela administrativnih troškova izgradnje proizvodnih objekata i nabavku osnovnih sredstava.

Pod proizvodnim objektom, podrazumjevaju se uređeni građevinski prostori sagrađeni sa namjenom i u svrhu realizacije proizvodne obrtničke djelatnosti za koju je obrtnik obezbjedio upotrebnu dozvolu prema Zakonu o prostornom uređenju i građenju („Službene novine Zeničko-dobojskog kantona“, broj: 1/14 i 4/16) i na kojem je upisano pravo vlasništva.

Pod investicijom podrazumjevaju se troškovi privrednog društva nastali tokom izgradnje objekata i/ili nabavke osnovnih sredstava (mašina i opreme) u periodu od 01.01.2020. godine do podnošenja zahtjeva po Javnom pozivu.

2. Korisnici sredstava poticaja su obrtnici registrovani u Zeničko-dobojskom kantonu po Zakonu o obrtu („Službene novine Federacije BiH“, broj: 35/09 i 14/11) iz područja djelatnosti D- Prerađivačka industrija (stare Standardne klasifikacije djelatnosti) ili C- Prerađivačka industrija (nove Standardne klasifikacije djelatnosti), za koju posjeduju dozvolu za obavljanje djelatnosti izdatu od nadležnog organa najkasnije do 31.12.2019. godine i koji ispunjavaju uslove definisane članom 2. Zakona o poticanju razvoja male privrede („Službene novine Zeničko-dobojskog kantona, broj: 7/16 i 7/20).

Podsticaji se neće odobravati za dopunske djelatnosti.

3. Nakon uredno podnesenog Zahtjeva, Vlada Kantona će subvencionirati (refundirati) troškove investicije (fakturisanog iznosa u KM bez PDV-a) u 2020. godini, ali ne više od 30.000,00 KM, a kako slijedi:

- a) Po osnovu izgradnje objekta za obavljanje obrtničke djelatnosti, obrtniku će se odobriti sredstva određena prema slijedećoj tabeli:

Minimalna površina objekta /m <sup>2</sup> /	Iznos sredstava poticaja /KM/
do 50	5.000,00
Od 50 do 100	8.000,00
Od 100 do 200	10.000,00
Od 200 do 500	15.000,00
Od 500 do 1.000,00	20.000,00
Od 1.000,00 do 2.000,00	25.000,00
Od 2.000,00 i više	30.000,00

**Napomena:** Raspon "Od 100 do 200 m<sup>2</sup>" obuhvata površinu od 100,00 m<sup>2</sup> do 199,99 m<sup>2</sup> i navedeno se primjenjuje i na ostale raspone površine navedene u tabeli.

- b) Po osnovu nabavke osnovnih sredstava (opreme i mašina) za obavljanje obrtničke djelatnosti, obrtniku će se odobriti sredstva u jednokratnom iznosu od 30% od ukupne visine investicije bez PDV-a, a koja može biti maksimalno 20.000,00 KM.
- c) Korisnicima poticaja mladim od 35 godina, računajući na dan podnošenja zahtjeva, ukupan iznos poticajnih sredstava se uvećava za 10%.
- d) Korisnicima poticaja ženskog pola, ukupan iznos poticajnih sredstava se uvećava za 10%.
4. Jedan privredni subjekt može koristiti više vrsta poticaja Ministarstva za privredu Zeničko-dobojskog kantona po osnovu Javnih poziva objavljenih dana 26.10.2020. godine na web stranici Kantona, ali pod uslovom da ukupno odobreni iznos ne prelazi 30.000,00 KM. Pravo na subvenciju po Javnom pozivu ne može ostvariti privredni subjekt koji je po istom osnovu i za istu namjenu ostvario subvenciju, donaciju ili drugu finansijsku pomoć iz drugih izvora.
5. Zahtjev iz tačke 3. Javnog poziva mora sadržavati slijedeće podatke: naziv i sjedište podnosioca zahtjeva, ime i prezime odgovornog lica, mjesto i datum podnošenja zahtjeva, naznaku Javnog poziva za koji se aplicira, podatke o proizvodnom objektu i njegovoj površini i/ili podatke o osnovnom sredstvu koje je predmet subvencije, vrijednost nabavke osnovnog sredstva bez PDV-a, naznaku da za isti osnov i namjenu nije ostvario subvenciju, donaciju ili drugu finansijsku pomoć iz drugih izvora, pobrojano i brojevima označenu dokumentaciju koja se dostavlja u prilogu zahtjeva i potpis i pečat podnosioca zahtjeva.
6. Zahtjevi korisnika sredstava poticaja Ministarstva za privredu koji nisu opravdali ranije dodjeljena sredstva ili nisu uredno opravdali dodjeljena sredstva, neće se uzeti u razmatranje, kao ni nabavka i kupoprodaja osnovnih sredstava između dva privredna subjekta čiji su vlasnici isti.
7. Uz zahtjev iz tačke 5. Javnog poziva za odobravanje poticajnih sredstava namjenjenih za subvencioniranje investicija kod obrta, Investitor je dužan dostaviti slijedeće priloge (original ili ovjerena kopija):
- Odobrenje – rješenje za obavljanje djelatnosti prema Zakonu o obrtu ("Službene novine Federacije BiH", broj: 35/09 i 14/11) (izdato najkasnije do 31.12.2019. godine),
  - Odobrenje za građenje (Rješenje o legalizaciji),
  - Odobrenje za upotrebu objekta, izdato od nadležnog organa (odobrenjem za upotrebu objekta i drugim dokazima ne smatra se akt privremenog ili uvjetnog karaktera),
  - Dokaz o nabavci odnosno kupovini osnovnog sredstva (kopija faktura i kopija uplatnice i izvoda od banke na kojem je vidljiva uplata fakture);

- Upotrebna dozvola za osnovna sredstva, izdata od nadležnog organa,
- Kopiju tlocrta objekta iz Glavnog projekta,
- Uvjerenje od Porezne uprave FBiH o izmirenju direktnih poreza i doprinosa (PIO/MIO i zdravstveno osiguranje) sa brojem ili popisom osiguranih osoba-matična evidencija - ne starije od 60 dana u odnosu na dan podnošenja zahtjeva;
- Uvjerenje o uredno izmirenim obavezama po osnovu PDV-a (ukoliko je podnosilac po Zakonu o porezu na dodatu vrijednost u sistemu, ukoliko nije dostaviti Izjavu da privredni subjekt nije u sistemu PDV-a, ovjerenu od strane nadležnog upravnog organa) - ne starije od 60 dana u odnosu na dan podnošenja zahtjeva;
- Uvjerenje komercijalne banke da je žiro račun proizvođača aktivan, ne starije od 60 dana u odnosu na dan podnošenja zahtjeva,
- Lična karta kao dokaz da je obrtnik ženskog pola odnosno mlađi od 35 godina računajući od dana podnošenja zahtjeva,
- Potpisanu i ovjerenu Izjavu o ranije primljenim državnim pomoćima DE MINIMIS, koje su podnosiocu zahtjeva dodjeljene u tekućoj i prethodne dvije fiskalne godine u skladu sa Zakonom o sistemu državne pomoći u BiH ("Službeni glasnik BiH", broj: 10/12, 39/20) i Uredbe o uslovima i postupku za dodjelu pomoći male vrijednosti-de minimis pomoć („Službene novine Federacije Bosne i Hercegovine“, broj: 27/18) (Obrazac Izjave može se preuzeti sa web stranice Vlade ZDK – [www.zdk.ba](http://www.zdk.ba)).

8. Komisija Ministarstva za privredu poštujući hronologiju prijema u protokolu Kantona pregledat će pristigle Zahtjeve.
9. Na osnovu prijedloga Komisije, Ministarstvo za privredu će predložiti Vladi Kantona donošenje Odluke o odobravanju i dodjeli (refundaciji) finansijskih sredstava namjenjenih subvencioniranju investicija kod obrta iz područja prerađivačkih djelatnosti poštujući hronologiju prijema Zahtjeva, a sve do utroška raspoloživih sredstava.
10. Odluka Vlade bit će objavljena na web stranici Kantona.
11. Na osnovu donesene Odluke o odobravanju i dodjeli (refundaciji) finansijskih sredstava namjenjenih subvencioniranju investicija kod obrta iz područja prerađivačkih djelatnosti, Ministarstvo za privredu podnosi naloge za isplatu sredstava Ministarstvu finansija ZDK.
12. Zahtjev iz tačke 5. Javnog poziva sa priložima u zatvorenoj koverti, privredni subjekti dostavljaju na adresu:

ZENIČKO-DOBOJSKI KANTON  
MINISTARSTVO ZA PRIVREDU

Kučukovići br. 2

72 000 Zenica

Sa naznakom:

“Prijava na Javni poziv za prikupljanje zahtjeva za odobravanje i dodjelu (refundaciju)  
finansijskih sredstava namjenjenih subvencioniranju investicija kod obrta  
iz područja prerađivačke djelatnosti”

13. Javni poziv ostaje otvoren 20 dana od dana objavljivanja na web stranici Kantona.